

ՍԱՍՈՒՆ, ԿԱՐՈՏ ԵՄ՝ ՔՁԻ

Այսօր պարմական Նայասարանի մեծագույն մասը՝ Արեւմտյան Նայասարանը, գտնվում է Թուրքիայի տարածքում: Մական ոչ վաղ անցյալում, մինչև 1915 թ. Մեծ եղեռնը, Արեւմտյան Նայասարանը բնակեցված էր հայերով: Այլ է, սակայն, պարկերն այսօր: Առաջին աշխարհամարտը համարելով լավագույն առիթ, թուրքական իշխանություններն իրագործեցին դարերով ծրագրված Նայոց Յեղասպանությունը՝ այն ուղեկցելով արյունալի սպանություններով, բռնի տեղահանություններով և բնակավայրերի ամայացմամբ:

Թեև թուրքերին հաջողվեց հայաթափել Արեւմտյան Նայասարանը, սակայն նրանք չկարողացան հասնել իրենց նպատակին՝ վերջնականապես ոչնչացնել և բնաջնջել հայ ժողովրդին: Արեւմտյան Նայասարանից մագապործ եղած հայերն ապաստան գտան այլուայլ երկրներում և օտար ափերում՝ մշտապես կարոտ սրբով սպասելով կրկին իրենց հայրական օջախները վերադառնալուն: Թուրքական յաթաղանից փրկվածներից ռմանք երկար դեգերումներից հետո ի վերջո կարողացան իրենց սրբի կարոտը մեղմել՝ բնակություն հաստատելով պարմական հայրենիքի մի փոքր մասում՝ Սովետական Նայասարանում:

Այսօր դեռևս չի վերականգնվել պարմական արդարությունը, դեռ Թուրքիան չի ճանաչել Նայոց Յեղասպանության անժխտելի իրողությունը, դեռ Նայասարանին չի վերադարձվել իր պարմական հայրենիքի տարածքները: Ուստի չափազանց կարևոր է, որ 1915 թ. թուրքական կոտորածներից փրկված հայտղիների հիշողությունները՝ կապված հայրենի երկրի և բնակավայրերի հետ, ներկայացվեն հանրությանը՝ այս կերպ փորձելով ցույց տալ, որ 1915 թ. դեպքերը ոչ այլ ինչ էին, եթե ոչ մանրամասն մշակված ու ծրագրավորված ցեղասպանություն:

Այս ամենի գիտակցումով է, որ մենք հրապարակում ենք այդ կոտորածներից փրկված փոքրաթիվ այն հայտղիներից մեկի ապրումներն այդ սոսկալի օրերի մասին: Վերջնականորեն կապված է Արեւմտյան Նայասարանի ռազմական ոգի հանդիսացող Մասունի հետ: Գաղթականը, որի վերնուշը¹ ներկայացնում ենք, եղել է Մասունի Նազո-Նարյոզո² գավառակի Նով³ գյուղի բնակիչ:

Տ. ԱՐԱՐԱՏ-ՔԱՆԱՆԱ ՊՈՂՈՍՅԱՆ

1 Վերնուշը Չաչան Պողոսյանը պարմել է իր թոռանը՝ Նարյոզոն Պողոսյանին, որն այն գրի է առել:

2 Նազո-Նարյոզո (Նարյոզո, Գարճոզ, Գարյոզ, Նազո, Նազո, Նազոյի կազա, Նազո, Նազո, Նազո, Նարյոզո) գավառակ Արեւմտյան Նայասարանի Բիթլիսի նահանգի Սղերդի, երբեմն նաեւ այլ բաժանմամբ Մուշի գավառում: Արեւելից սահմանակից է Մուրկանին և Խութին, հարավում՝ Խարզանին, արեւմուտքում՝ Խիանին, հյուսիսում՝ Փանրին: Վ. Քինեի տվյալներով 1891 թ. ունեցել է 48 հայկական գյուղ, շուրջ 5000 բնակչությամբ: Գավառակի կենտրոնը եղել են Նազոն և Նարյոզո, սեւ, **Գ. Կիրակոսյան**, Մասուն, Երեւան, 2010, էջ 161, 179, ՆՍՀ, հար. 10, էջ 201, **Կ. Թառնյան**, Ժողովրդական շարժումները Մասունում 1890-1894, Երեւան, 1966, էջ 33, **Ա.Ղ.Օ.** Վանի, Բիթլիսի և Էրզրումի վիլայեթները, Երեւան, 1912, էջ 157, **Թ. Նակոբյան**, Նայասարանի և հարակից շրջանների տեղանունների բառարան, հ. 3 Երեւան, 1986, էջ 302:

3 Գյուղ Արեւմտյան Նայասարանում, Բիթլիսի նահանգի Սղերդի գավառի Նազո-Նարյոզո գավառակում: 1909 թ. ունեցել է 15 հայ բնակիչ (որոշ տվյալներով՝ 8 բնակիչ): Գյուղի բնակիչները զբաղվել են անասնապահությամբ, երկրագործությամբ: 1915 թ. Մեծ եղեռնի ժամանակ բռնությամբ տեղահանվել են: Բնակիչների մի մասը գաղթի ճանապարհին սպանվել է, մի մասն էլ անցել այլ երկրներ և բնակություն հաստատել օտար ափերում, սեւ ՆՍՀ, հար. 10, էջ 550, **Թ. Նակոբյան**, Նայասարանի և հարակից շրջանների տեղանունների բառարան, հ. 3, Երեւան, 1986, էջ 440:


ԼԱՈ՛, ԴՈՒ ՀՈ ԹՈՒՐՔ ՉԵՍ

Քայլում էր ծերունին ճոճվելով, մերթըմերթ հենվելով իր ցուպին, քայլում էր մեջքը կորացրած, ասես երկու դարերի ծանրությունն էր տանում իր հետ դեպի հավերժություն, երկու դարերի, որոնցից մեկի վերջը եւ մյուսի սկիզբն իրենց անջնջելի մահասարսուռ կնիքը դրին մի հինավուրց, իր հնությունից էլ հալածված ազգի ճակատագրի վրա: Քայլում էր ծերունին, գլուխը կախ, քանդելով հուշերի կծիկը եւ ինչքան քանդում էր, այնքան էլ մոռացվում կամ պայծառանում էր ծերունական կնճիռներով պատած դեմքը: Նայում եմ այդ դեմքին, Աստված իմ, միթե՞ ծերունին, որն իմ պապն էր, երբեւէ ծիծաղել է անհոգ, գուցե եղել են այդպիսի պահեր, որ աշխարհը գազաններով է լցվել, դայլը եղնիկին քույրիկ է կանչել, երբ մերձեցել են նույնիսկ հավքն ու սողունը, բայց եղել է նաեւ, բայց ի՞նչ է եղել, ինչպես կասեր Վ. Հյուգոն «այստեղով թուրքն է անցել»:

Օգոստոսի շոգը համայն շնչավորներին քշել էր տների եւ ծառերի ստվերների տակ: Ասֆալտն այրում էր անապատային հեղձուցիչ տոթով, մեր բակում՝ թթենու հովի տակ, հավաքվել էին թաղի ծերունիները եւ համրիչի հատիկները մեղմորեն եւ միալար շխկացնում էին՝ քրքրելով անցյալի դառը հուշերի դեռ մխացող մոխիրը: Ինչ-որ ներքին պայմանավորվածությամբ լուռությոն էր տիրում, միայն համրիչի հատիկների ձայնն էր նրանց ստեպ-ստեպ վերադարձնում ներկային: Նման պատկեր ես տեսնում էի ոչ առաջին անգամ, եւ դեմքեր՝ յուրաքանչյուրը մի ընթերցված պատմության էջ, որ կողք կողքի դնելիս կարելի է կարդալ մի տանջված ազգի մոռյալ անցյալը, որոնց ամեն մի կնճիռի տակ թաքնված է կորուստի թախիժը:

Մեր թթենին ինձանից մեծ էր հինգ տարով, այն տնկել էր պապս՝ տարիների դեգերումից հետո: Յուրաքանչյուր զբոսաշրջիկի համար այդ դեգերումները կհամարվեր հեքիաթային շրջագայություն, իսկ մահվան ճիրաններից դուրս պրծած հայի համար ի՞նչ է այդ:

Պապս ծնվել է Արեւմտյան Հայաստանում, Սասունի Հագո-Ուսբեջոզ գավառակի Հով դյուղում՝ 1896 թվականին՝ համիդյան արյունահեղությունների տարիներին: Ունեցել է այն ժամանակվա հայերին բնորոշ բազմանդամ ընտանիք՝ նահապետական գերդաստան: Պապիս հայրը մեկնել էր



Մասուրի Հաղոմի Հաղոմի Հաղոմի Հաղոմի

Սուրիա՝ փող աշխատելու, եւ 18-ամյակը դեռ չբոլորած պատանին պետք է մտածեր մեծ գերդաստանի մասին, երբ արդեն բռնկվել էր 1915 թվականի հայկական ցեղասպանութիւնը, որի մահաբեր շունչը հասել էր անպարտ Սասուն։ Ինչպես նախորդ գոյամարտերի ժամանակ, այս անգամ եւս Սասունը կարողացավ փրկել իր լեռներում ծվարած մի քանի գյուղեր։ Շատ հարուստ քրդեր պաշտպանեցին հայերին ֆիզիկական բնաջնջումից՝ իրենցից կախման մեջ դրելով նրանց։ 1935 թ. սկսվեցին թուրք-քրդական կռիվները։ Երկու արնախում գազանները ընդհարվեցին՝ հայի հողի համար, եւ արնաքամ եղած, մահից մազապուրծ եղած հայը նորից թողեց իր հայրենիքը։ Մի քանի տարի Բշերիկում ապրելուց հետո, գաղթականի ցուպը ձեռներն առած, գիշերը՝ փախչելով, ցերկը՝ թաքնվելով, անցան Սուրիա, Ղմշլու եւ վերջապես 1947 թվականին Սովետական Հայաստանը իր դռները բացեց իր գավակների՝ թափառական հայի համար։ Հոգու բերկրանք եւ ցնծութիւն. Սուրիայում գտել էր հորը եւ եղբորը, որի հետ ընտանիքն առած, հորեղբայրներով, քեռիներով բարձրացան սովետական նավը որին միայն օրեր էին բաժանում Հայրենիքից։ Սուրիայում գտնվելու տարիներին՝ հայրը՝ Օհան Պողոսյանը⁴, մահացել էր, եւ հնարավոր չէր աճյունը բերել եւ միայն հայրական չիրիմից մի պտղունց հողն էր, որը որդին տարիներ հետո տարավ իր հետ գերեզման։ Սովետական առաջին քաղաքը Բաթումն էր, այնուհետեւ Մայր Հայաստան։ Եւ Հայաստանով մեկ ցրվեց հայ գաղթականը՝ գտնելով մեկն իր եղբորը, մեկը՝ մորը, ով ում կորցրել էր գաղթի ճանապարհին՝ եթե մահը չէր տարել նրանց։

Պապս՝ Ջաջան Պողոսյանը⁵, իր հարազատներով բնակութիւն հաստատեց Արագած լեռան լանջերին ծվարած մի փոքրիկ գյուղում՝ Կաթնաղբյուրում։ Նավի մեջ ծնվել էր վերջին դուստրը՝ Մարոն, ուներ երեք տղա, իսկ մեծ աղջկան ամուսնացրել էր Սուրիայում, որի ընտանիքն էլ իր հետ էր, մի բազմանգամ ընտանիք, եւ նորից տեղափոխութիւն՝ այս անգամ վերջինը, վերջին հանգրվան Մասիսների դեմ ծվարած էջմիածնի շրջանի Ոսկեհատ ավանում. եւ սկսեց ծիլ արձակել հայ անտառից պոկված շիվը՝ փրկված ազգակործան հրդեհից։

4 Ունեցել է երեք որդի (Չաչան, Նուսեի, Նակոբ) եւ երկու դուստր (Արշալույս եւ Մարո) (ծանթ. Տ. Ա. ք. Պ.)։

5 Ունեցել է վրաս գավակ՝ Էինգ փղա եւ Էինգ աղջիկ, սակայն մինչեւ Հայաստան գալը երկու փղան եւ երեք աղջիկ մահացել են. ողջ են մնացել որդիներից՝ Մարգիսը, Միսակը եւ Գևորգը, իսկ դուստրերից՝ Փարիշանն ու Մարոն (ծանթ. Տ. Ա. ք. Պ.)։

Հայրս՝ Սարգիս Պողոսյանը, մեծ որդին էր։ Պատմում են, որ երբ ծնվել է մեծ եղբայրս, պապս արցունքն աչքերին ծոցից հանել է երկու փոքրիկ պարկ, որոնց մեջ հող է եղել, մեկը հայրական շիրիմի, մյուսը՝ հայրենի երկրի, համբուրել է եւ մրմնջացել «Հային մեռնել չկա» եւ ի հիշատակ մահացած եղբոր՝ նորածին կոչել է Հակոբ։ Մեկ տարի հետո, երբ այգում գործ անելիս է լինում, հենց տան մեջ ծնվում է երկրորդ թոռը, եւ երբ աչքալույս են տալիս, նետում է բահը, ծունկի գալիս եւ համբուրում է հողը, մրմնջալով՝ «Փա՛ռքդ շատ Սասուն, դու հարույթուն ես առնում» եւ երկրորդ թոռին անվանում է Հարույթուն. երկրորդ թոռը ես էի։

Ես յոթ տարեկան էի, թթենին անբաժան էր ինձանից, այն կարծես դարձել էր իմ մակուլթյան տարիների ընկերը, որը ժամերով ապաստան էր տալիս ինձ, երբ բարձրանում էի ծառը, պատսպարվում տերեւների ստվերների ներքո, անուշ անում քաղցր թուղթը եւ ունկնդրում ծերունիների զրույցին։

Ես միշտ զարմանում էի, թե ինչո՞ւ նրանք անգամ իրենց հող ու ջրի մասին խոսելիս կամ էլ լուրթյան մեջ հիշելիս խոր հառաչում էին. «Է՛հ, ո՛ւր էինք, ո՛ւր ընկանք»։ Իմ մտաշխարհում արդեն գծադրվել էր այն աղոտ պատկերը, որը տեսած աչքը տարիներ հետո հիշելիս սարսափում էր, ես գիտեի, որ Մասիսից այն կողմ կա մի մեծ աշխարհ, որը կոչվում է Արեւմտյան Հայաստան, որ այնտեղ՝ հեռվում, Սասնա լեռների ծերպերում կար մի գյուղ, որ այդ գյուղը գտնվում էր Մարութա սարի լանջին, որ այդ գյուղի մոտ կար մի վանք, որ կոչվում էր Մարութա վանք։

Ես գիտեի, որ այդ գյուղից է սերում իմ տոհմը, որ այդտեղ են ծնվել ու ապրել իմ նախնիները, որ այդ գյուղի կանչն է այժմ իմ երականների մեջ, որը մերթնդմերթ այդպես խուսվում էր իմ մանուկ հոգին, երբ լսում էի պապիս հառաչանքը. «Մեր գեղի ջրից ումպ մը խմիմ ու մեռնիմ», եւ այդ ջրի անհագ պապակը նրա արյան մեջից անցել էր իմ երականների մեջ, ես յոթ տարեկան էի, սակայն հառաչում էի այնպես, ասես յոթ եղեռն տեսած ծերունի. «Սասո՛ւն, կարոտ եմ քզի»։

Կեսօրի կիզիչ շոգը հետզհետե դառնում էր անտանելի, ծերունիները վեր կացան, իրենց ասելով՝ «գնանք մի քիչ դինջանանք»։ Արեւն ուղղակի կրակ էր թափում երկնքից։ Պապս հանդարտ քայլերով ներս մտավ տուն, մի բրդուճ մածնահաց կերավ, դեմքին խաչ արեց եւ ցանկացավ պառկել։ Նա գլուխը թեքեց դեպի բարձր՝ ցանկանալով քնել (իմ Դավիթները զրկված էին

քնից, նրանք նիհարում էին ականջները պահած սրբազան կանչին): Պապիս ետեւից ես էլ տուն մտա՝ երազելով ինձ համար անհասանելի ջերմությունը, որին կարոտ էին իմ ծերունի Դավիթները: Բայց ինձ անընդհատ հետաքրքրում էր ինչո՞ւնեք իմ հսկայական պարս, եւ ես արագ-արագ դուրս թափեցի գլխումս կուտակված ինչո՞ւնները. պապ ինչո՞ւ ես քնած ժամանակ հառաչում, պապ ինչո՞ւ ժպտալիս աչքերդ տխուր են, պապ ինչպե՞ս սկսվեց կոտորածը, պապ ինչո՞ւ էին հայերին սպանում, պապ թուրքը ուժե՞ղ է, պապ պատմիր հա՛, պապ խնդրում եմ, եւ այսպիսի բազմաթիվ ու պազմապիսի հարցերով ես շչմեցրել էի պապիս, իսկ նա լսում էր թախծոտ եւ փաղաքշող հայացքով, հետո գրկեց ինձ, համբուրեց եւ հառաչելով ասաց. «Քնիր, լաո՛, ինչ մենք տեսանք, չըմ ուզի դուք լսիք, քնիր, լաո՛», եւ արցունքոտված աչքերով գլուխը դրեց բարձին, ես անզգուշ կերպով կպել էի դեռ չսպիրացած վերքերին, եւ ծերունական հոգին նորից խռովվել էր:

Իրիկնապահին, երբ շոգը կամաց-կամաց մեղմանում էր, ես դուրս եկա տանից, եւ նկատեցի ստվերում պառկած կատվի ձագին, եւ փայտով հարվածեցի, փայտը դեռ չէր դիպել կատվի ձագին, երբ ականջս ցավոտ ոլորվեց, պապս էր, զայրացած բղավեց վրաս «Շան որդի, հորի կզարկիս, հո դու թուրք չես», ես կարկամել էի, չգիտեի ինչ անեի, խռոված հայացքս կախել էի գետնին, մեկ էլ զգացի, որ պապիս գրկում եմ, համբուրում էր ինձ եւ անընդհատ կրկնում. «Լաո՛, հո դու թուրք չես, հորի էդ անմեղ հայվանին կզարկիս»...: Ես հասկացա, որ ամեն մի վատ արարք թույլ տվող նրա աչքին թուրք է, ամեն բռնություն նրա բառերում թուրք է, եւ մինչեւ հիմա, երբ նման բան եմ տեսնում, ուզում եմ գոռալ, բղավել «Հորի կէնիս, հո դու թուրք չես»:

ՀԱՐՈՒԹՅՈՒՆ ՊՈՂՈՍՅԱՆ